

REGLUGERÐ FRAMKVÆMDASTJÓRNARINNAR (ESB) 2021/899**2022/EES/18/08****frá 3. júní 2021****um breytingu á reglugerð (ESB) nr. 142/2011 að því er varðar umbreytingarráðstafanir varðandi
útflytning á kjöt- og beinamjöli sem eldsneyti til brennslu (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 ⁽¹⁾, einkum fyrstu undirgrein 3. mgr. 43. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 142/2011 ⁽²⁾ er mælt fyrir um reglur um heilbrigði dýra og manna er varða setningu aukaafurða úr dýrum og afleiddra afurða á markað og útflytning þeirra.
- 2) Í 12. gr. reglugerðar (EB) nr. 1069/2009, í tengslum við 2. mgr. 7. gr. þeirrar reglugerðar, er mælt fyrir um að kjöt- og beinamjöli í 1. flokki skuli fargað með brennslu, sambrennslu eða urðun eða að heimilt sé að nota það sem eldsneyti til brennslu til að koma í veg fyrir að það komi aftur inn í fóðurferlið og mengi það.
- 3) Lögbær yfirvöld Írlands settu fram áætlanir sínar um að koma á sinni eigin brennslugetu fyrir kjöt- og beinamjöl úr efni í 1. flokki fyrir árslok 2023 og fóru þess á leit að á umbreytingartímabili yrði hefðbundið viðskiptaflæði með kjöt- og beinamjöl úr efni 1. flokki, sem ætlunin er að farga í Breska konungsríkinu, heimilað.
- 4) Eftir að framkvæmdastjórnin lagði mat á beiðni Írlands taldi hún nauðsynlegt, miðað við tiltekna landfræðilega staðsetningu þess aðildarríkis, að fastsetja reglur í V. kafla XIV. viðauka við reglugerð (ESB) nr. 142/2011 sem eru grundvöllurinn fyrir því að Írland megi heimila útflytningu á kjöt- og beinamjöli úr efni í 1. flokki, sem uppfyllir kröfur um setningu á markað til brennslu, til Breska konungsríkisins til 31. desember 2023, með fyrirvara um beitingu laga Sambandsins um og innan Breska konungsríkisins að því er varðar Norður-Írland, í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, og með fyrirvara um 1. mgr. 6. gr. í þeirri bókun, sem heimila tilflutninga á kjöt- og beinamjöli úr efni í 1. flokki til brennslu til annarra hluta Breska konungsríkisins en Norður-Írlands.
- 5) Því ætti að breyta XIV. viðauka við reglugerð (ESB) nr. 142/2011 til samræmis við það.
- 6) Til að tryggja samfelldni í núverandi viðskiptaflæði eftir að umbreytingartímabilinu lýkur ætti þessi reglugerð að koma til framkvæmda frá og með 1. janúar 2021 og því er brýnt að hún öðlist gildi á þriðja degi eftir að hún birtist í *Stjórnartíðindum Evrópusambandsins*.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

(*) Þessi ESB-gerð birtist í Stjtíð. ESB L 197, 4.6.2021, bls. 68. Hennar var getið í ákvörðun sameiginlegu EES-nefndarinnar nr. 1/2022 frá 4. febrúar 2022 um breytingu á I. viðauka (Heilbrigði dýra og plantna) við EES-samninginn (bíður birtingar).

⁽¹⁾ Stjtíð. ESB L 300, 14.11.2009, bls. 1.

⁽²⁾ Reglugerð framkvæmdastjórnarinnar (ESB) nr. 142/2011 frá 25. febrúar 2011 um framkvæmd reglugerðar Evrópuþingsins og ráðsins (EB) nr. 1069/2009 um heilbrigðisreglur, að því er varðar aukaafurðir úr dýrum og afleiddar afurðir sem ekki eru ætlaðar til manneldis, og um framkvæmd tilskipunar ráðsins 97/78/EB að því er varðar tiltekin sýni og hluti sem eru undanþegin heilbrigðisefnirliti með dýrum og dýraafurðum á landamærum samkvæmt þeirri tilskipun (Stjtíð. ESB L 54, 26.2.2011, bls. 1).

SAMÞYKKT REGLUGERÐ ÞESSA:

1. gr.

Ákvæðum V. kafla XIV. viðauka við reglugerð (ESB) nr. 142/2011 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 3. júní 2021.

Fyrir hönd framkvæmdastjórnarinnar,

Ursula VON DER LEYEN

forseti.

VIÐAUKI

Í töflunni í V. kafla XIV. viðauka við reglugerð (ESB) nr. 142/2011 er nýrri línu bætt við sem hér segir:

„3	Kjöt- og beinamjöl úr efni í 1. flokki.	<p>Kjöt- og beinamjöl úr efni í 1. flokki, sem er ætlað sem eldsneyti til brennslu, skal einungis flutt út frá Írlandi til Breska konungsríkisins (*) með eftirfarandi skilyrðum:</p> <p>a) lögbært yfirvald Írlands hefur heimilað útflutninginn til brennsluversins í Breska konungsríkinu eigi síðar en 31. desember 2023 að því tilskildu að slíkur tilflutningur á kjöt- og beinamjöli úr efni í 1. flokki, sem er ætlað til förgunar, hafi átt sér stað frá viðkomandi aðildarríki fyrir 1. janúar 2021 við þau skilyrði sem mælt er fyrir um í 6., 7. og 8. mgr. 6. gr.,</p> <p>b) að í innflutningsleyfi viðtökubrennsluversins, sem Breska konungsríkið gefur út, sé heimild til að brenna innflutt kjöt- og beinamjöl úr efni í 1. flokki,</p> <p>c) kjöt- og beinamjöl úr efni í 1. flokki</p> <p>— var eingöngu fengið úr vinnslu í samræmi við vinnslu- aðferð 1 (þrýstisæfing), 2, 3, 4 eða 5 sem um getur í III. kafla IV. viðauka,</p> <p>— er merkt í samræmi við V. kafla VIII. viðauka,</p> <p>d) sendingin af kjöt- og beinamjölinu er send í innsigliðum gámum beint frá vinnslu- eða geymslustöðinni sem um getur í a-lið eða ii. lið j-liðar 1. mgr. 24. gr. reglugerðar (EB) nr. 1069/2009 til viðtökubrennslustöðvarinnar,</p> <p>e) rekstraraðilar skulu framvísa sendingum af kjöt- og beinamjöli á landamæraeftirlitsstöð sem er brottfararstaður,</p> <p>f) lögbært yfirvald á landamæraeftirlitsstöð, sem er brottfararstaður, skal inna af hendi opinbert eftirlit með sendingunum sem um getur í e-lið, einkum með heilleika innsiglisins. Ef heilleika innsiglisins er stefnt í hættu gilda reglurnar sem settar eru fram í d- og g-lið 2. mgr. 138. gr. reglugerðar Evrópuþingsins og ráðsins (ESB) 2017/625 (**),</p> <p>g) lögbært yfirvald á landamæraeftirlitsstöð skal, gegnum Traces-kerfið, upplýsa lögbæra yfirvaldið, sem er tilgreint í reit 1.4 í viðskiptaskjalinu, um komu vörusendingarinnar á brottfararstað og, eftir atvikum, um niðurstöðu sannprófunar á innsigli og hugsanlega aðgerð sem gerð er til úrbóta.</p> <p>Lögbært yfirvald sem ber ábyrgð á upprunavinnslustöðinni skal inna af hendi áhættumiðað opinbert eftirlit til að sannprófa fylgni við fyrstu málsgrein og til að sannreyna, að því er varðar hverja sendingu af kjöt- og beinamjöli, að lögbært yfirvald á landamæraeftirlitsstöðinni hafi sent staðfestingu á eftirlitinu sem fram fór á brottfararstaðnum gegnum Traces-kerfið.</p> <p>Ef um er að ræða að ekki er farið að tilskildum ákvæðum er lögbæru yfirvaldi heimilt að banna slíka tilflutninga á sendingum af kjöt- og beinamjöli úr efni í 1. flokki sem er ætlað sem eldsneyti til brennslu í samræmi við d-lið 2. mgr. 138. gr. reglugerðar (ESB) 2017/625.</p>
----	---	--

(*) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, taka vísanir til Breska konungsríkisins, að því er þennan viðauka varðar, ekki til Norður-Írlands.

(**) Reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) (Stjttjð. ESB L 95, 7.4.2017, bls. 1).“